

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona, broj: 7/10), a u skladu sa Programom utroška budžetskih sredstava u 2016. godini, usvojenim Zaključkom Vlade Zeničko-dobojskog kantona, broj: 02-14-10281/16 od 20.05.2016. godine, Vlada Zeničko-dobojskog kantona, na 56. sjednici, održanoj 20.05.2016. godine, d o n o s i

ZAKLJUČAK

I.

Usvaja se Uputstvo o postupcima i kriterijima za odobravanje i dodjelu sredstava poticaja namijenjenih subvencioniranju projekata komora i udruženja iz područja privrede, koje čini sastavni dio ovog Zaključka.

II.

Za realizaciju poticaja iz tačke I zadužuje se Ministarstvo za privredu, koje će donijeti sve provedbene akte i imenovati komisiju za provođenje propisanog postupka.

III.

Zaključak stupa na snagu danom donošenja.

Broj: 02-_____/16.

Datum, 20.05.2016. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za privredu

1x Ministarstvo finansija

1x a/a



**UPUTSTVO
O POSTUPCIMA I KRITERIJIMA
ZA ODOBRAVANJE I DODJELU (REFUNDIRANJE) SREDSTAVA POTICAJA
NAMIJENJENIH SUBVENCIONIRANJU
PROJEKATA **KOMORA I UDRUŽENJA** IZ PODRUČJA PRIVREDE**

Zenica, maj 2016. godine

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

UPUTSTVO
O POSTUPCIMA I KRITERIJIMA
ZA ODOBRAVANJE I DODJELU (REFUNDIRANJE) SREDSTAVA POTICAJA
NAMIJENJENIH SUBVENCIONIRANJU PROJEKATA KOMORA I UDRUŽENJA IZ
PODRUČJA PRIVREDE

1. UVOD

Organizacije poslodavaca (komore i udruženja privrednika) kao i sve druge nevladine organizacije u privrednom sistemu Bosne i Hercegovine, pa i Zeničko-dobojskom kantonu, svojim aktivnim djelovanjem trebaju biti partner Vladi Kantona na putu staranja uslova za što brži razvoj zajednice. Jedna od najbitnih aktivnosti komora i udruženja privrednika je i stvaranje uslova za poboljšanje i razvoj povoljnog poslovnog okruženja u Zeničko-dobojskom kantonu.

Predmet ovog poticaja je subvencioniranje projekata komora i udruženja privrednika, kao i udruženja čiji je osnovni cilj vezan za razvoj privrede. Na ovaj način nastojat će se uticati na aktivnosti koje imaju za cilj: razvoj i afirmaciju poduzetništva i obrta; interesno umrežavanje poduzetnika i obrtnika; organizirano zastupanje interesa poduzetnika i obrtnika na zajedničkom tržištu; opstanak i razvoj komorskog sistema; edukacija članova komora i udruženja; organiziranje zajedničkih nastupa na sajmovima i slično.

2. NAMJENA POTICAJA

U cilju intenziviranja aktivnosti komora i udruženja, naročito njihovog djelovanja na područje proizvodnih djelatnosti, a samim tim i uticaj na zapošljavanje i razvoj Zeničko-dobojskog kantona, Vlada Kantona će subvencionirati dio troškova realizacije projekata iz programa rada ovih organizacija, kao što su:

- priprema i organizacija edukacije poduzetnika,
- priprema i izrada kolektivnih promotivnih materijala,
- priprema i organizacija kolektivnih nastupa na sajmovima u BIH i
- **organizacija sajmova u ZDK.**

3. KORISNICI POTICAJA

Pravo na dodjelu sredstava poticaja za realizaciju projekata navedenih u tački 2. ovog Uputstva, imaju komore i udruženja koja su registrovana sa sjedištem na prostoru Zeničko-dobojskog kantona prema:

- Zakonu o privrednim komorama u Federaciji BiH (»Službene novine Federacije BiH«, broj: 35/98, 34/03).
- Zakonu o obrtu i srodnim djelatnostima („Službene novine Federacije BiH“, broj: 35/09 i 42/11);
- Zakonu o udruženjima i fondacijama ("Službene novine Federacije BiH", broj: 45/02), čije dominantne aktivnosti su vezane za djelatnosti iz nadležnosti Ministarstva za privredu Zeničko-dobojskog kantona.

4. SREDSTVA POTICAJA

Sredstva za subvencioniranje dijela troškova realizacije projekata navedenih u tački 2. ovog Uputstva obezbjeđuju se Budžetom Zeničko-dobojskog kantona i planiraju Programom utroška sredstava u Ministarstvu za privredu, za tekuću godinu, u kojoj se vrši dodjela poticaja, te odgovarajućom odlukom [za svakog podnosioca zahtjeva pojedinačno](#).

Vlada Kantona preuzima finansiranje, odnosno refundaciju dijela ukupnih troškova nastalih po osnovi plaćanja troškova kod realizacije projekata.

Podnosiocu zahtjeva će se nakon dostavljanja urednog zahtjeva i procedure odlučivanja, odobriti – refundirati sredstva u jednokratnom iznosu, ali ne više od 50 % ukupnih troškova realiziranog projekta.

Maksimalni iznos sredstava koji se može odobriti i isplatiti korisniku po jednom projektu je:

- do 5.000,00 KM - za pripremu i organizaciju edukacije poduzetnika,
- do 10.000,00 KM - za pripremu i izradu kolektivnih promotivnih materijala,
- do 15.000,00 KM – za pripremu i organizaciju kolektivnih nastupa na sajmovima u BiH, te organizaciju sajmovi u ZDK.

Sredstva su u ukupnom iznosu od 20.000,00 KM limitirana po više osnova:

- po jednom subjektu - korisniku
- u toku jedne budžetske godine.

5. SADRŽAJ ZAHTJEVA ZA DODJELU POTICAJA

Radi obavještanja potencijalnih korisnika o mogućnostima dobivanja sredstava poticaja informacija se objavljuje u sredstvima javnog informiranja u formi Javnog poziva za dodjelu poticajnih sredstava i na oficijelnoj web stranici Vlade Kantona.

Uz zahtjev, potencijalni korisnik - subjekt dostavlja sljedeće priloge:

KOMORE:

- Original ili ovjerenu kopiju Rešenja o registraciji komore - potencijalnog korisnika, izdato od nadležnog organa prije 01.01.2014. godine;
- Original ili ovjerenu kopiju Odluke Upravnog odbora komore o pokretanju realizacije projekta;
- Original ili ovjerenu kopiju Odluke Upravnog odbora komore o usvajanju Izvještaja o realizaciji projekta sa finansijskim podacima i nastalim troškovima;
- Original ili ovjerene kopije Uvjerjenja o uredno izmirenim javnim prihodima (porezi, doprinosi, indirektni porezi) – ne starija od 60 dana u odnosu na dan podnošenja zahtjeva;
- Uvjerjenje Komercijalne banke da je žiro račun subjekta aktivan, ne starije od 60 dana u odnosu na dan podnošenja zahtjeva;

UDRUŽENJA:

- Original ili ovjerenu kopiju Rešenja o registraciji udruženja– potencijalnog korisnika, izdato od nadležnog organa prije 01.01.2014. godine;
- Izvod iz Registra Ministarstvu pravosuđa i uprave Zeničko-dobojskog kantona – ne starija od 60 dana u odnosu na dan podnošenja zahtjeva;
- Original ili ovjerenu kopiju Bilansa stanja i Bilansa uspjeha za predhodnu godinu;
- Original ili ovjerenu kopiju Odluke upravnog odbora udruženja o pokretanju realizacije projekta;
- Original ili ovjerenu kopiju Odluke upravnog odbora udruženja o usvajanju Izvještaja o realizaciji projekta sa finansijskim podacima i nastalim troškovima;
- Original ili ovjerene kopije Uvjerjenja o uredno izmirenim javnim prihodima (porezi, doprinosi, indirektni porezi) – ne starija od 60 dana u odnosu na dan podnošenja zahtjeva;
- Uvjerjenje Komercijalne banke da je žiro račun subjekta aktivan, ne starije od 60 dana u odnosu na dan podnošenja zahtjeva;

Objavljeni Javni poziv za prikupljanje zahtjeva za odobravanje i dodjelu (refundaciju) finansijskih sredstava na području Zeničko-dobojskog kantona preciziraće datum za dostavljanje dokumentacije, tačnije, rok za dostavu dokumentacije biće 60 (šezdeset) dana od dana objave Javnog poziva.

6. POSTUPAK DODJELE POTICAJA

Komisiju za ocjenu ispunjenja uslova i kriterija za dodjelu poticajnih sredstava imenuje i razrješava ministar Ministarstva za privredu. Za svoj rad ova komisija odgovara ministru Ministarstva.

Komisija razmatra Zahtjeve potencijalnih korisnika, te cijeni ispunjenost uslova i kriterija za odobravanje sredstava.

Izvještaj o ocjeni i mišljenju, Komisija dostavlja ministru Ministarstva za privredu.

Na osnovu Izvještaja o ocjeni i mišljenja Komisije, Ministarstvo za privredu predlaže Vladi Kantona donošenje Odluke o odobravanju poticajnih sredstava.

Vlada donosi odluku shodno raspoloživim sredstvima za tekuću godinu.

Na početku sveke godine Vlada Kantona odlučuje o nastavku dodjele ovih poticaja općenito, shodno projekciji budžetskih rashoda za tekuću godinu, o čemu donosi Zaključak o usvajanju Programa utroška sredstava Ministarstva za privredu.

Na osnovu Odluke o odobravanju sredstava Ministarstvo za privredu podnosi Nalog za isplatu sredstava Ministarstvu finansija Zeničko-dobojskog kantona.

Broj: 04-14- /16
Zenica, .05.2016. godine

MINISTAR
Zvonimir Anđelić dipl.ing.građ.